

欽定大清會典事例

卷

一千零七十五至
一千零七十七

太常寺
禮節

欽定大清會典事例卷一千七十五

太常寺

禮節

親祭
日壇禮節

日壇禮節
親祭

遣官祭
月壇禮

節
遣官祭

月壇禮節

親祭

日壇禮節。○每遇甲丙戊庚壬年。

皇帝親祭

日壇。先二日。禮部尚書一人至犧牲所視牲如儀。是

日。太常寺卿率屬進齋戒牌銅人。恭設於

乾清門如儀。

皇帝齋於大內。王公百官齋於邸第。書祝版。

閱祝版。儀均與。

北郊同。祀前一日黎明。太常寺官設香案於宰牲亭外。
光祿寺少卿一人朝服。上香。御史禮部祠祭司
官視宰。宰人瘞毛血如儀。是日。太常寺官潔蠲
壇上下。藉以椶薦。設

神座於壇上。西嚮。工部官張

皇帝拜次於西階上如式。將祀之日夜分。太常寺卿
率屬入壇。具器陳。牛一。羊一。豕一。登一。釧二。簋
簋各二。籩豆各十。棧三十。鑪二。中少北設一案。

東嚮。供祝版。南設一案。北嚮。陳赤壁一。禮神制
帛一。色赤。香盤一。尊一。爵三。並設福胙。加爵一。凡
牲陳於俎。凡玉帛實於篚。凡尊實酒承以舟。疏
布幕勺具。鑾儀衛官設洗於

具服殿外。樂部率太常寺協律郎設中和韶樂及
樂舞於壝門內。南北分列。器數與

北郊同。太常寺博士引禮部侍郎一人升壇。視玉帛粢
盛及籩豆登俎之實如儀。行禮位。西階上幄次
正中為

皇帝拜位。東嚮。陪祀王公位壇下左右。各二班。百官

位壝門外左右各五班。重行異等。均東面。左班北上。右班南上。執事位壇上。太常寺司拜牌拜褥官各一人。立於

皇帝拜位左右。司祝一人。司香一人。司玉帛一人。司爵一人。光祿寺卿二人。侍衛二人。太常寺贊答福胙一人。侍儀禮部尚書侍郎。都察院左都御史。副都御史。樂部典樂各一人。位南北序。分立祝案尊案之次。如常儀。太常寺典儀一人。司樂一人。北面立於階下之左。記注官四人。南面立於壝門外之右。糾儀御史四人。禮部祠祭司官

四人引禮鴻臚寺官四人分立王公百官拜位
之次。協律郎歌工樂工舞佾分立樂懸之次。傳
贊二人。循壝門內牆西立。位均南北序南北面。
掌燎官率燎人立於壝外西南隅。其日五鼓。步
軍統領率所部清蹕除道。自

東華門至

日壇景升街。

御道左右途巷。皆設布幃。鑾儀衛陳

法駕鹵簿。不陪祀王公百官。朝服咸會。祇候送

駕如儀。日出前六刻。太常寺卿赴

乾清門奏時。

皇帝御祭服。乘禮輿出宮。前引後扈如常儀。
駕發警蹕。

午門鳴鐘鼓。

駕出東華門。導迎樂前引不作。提鑪執鐙官左右騎
導如詣。

北郊儀。

駕至壇北門外降輿。右贊引左對引。太常寺卿二人。

恭導

皇帝入北門中門。詣

具服殿少俟。鴻臚寺官引陪祀王公於殿外侍衛
後。引陪祀百官南班於拜位南。北面。北班於路
西。東面。序立祇候。卯初刻。司祝恭奉祝版設於
祝案。禮部尚書一人率太常寺卿屬詣

神庫上香行禮。恭請

大明神位奉安於

神座如儀。太常寺卿至

具服殿奏請詣

日壇行禮。

皇帝出次盥洗。鑾儀衛官跪奉盥奉巾如儀。司拜褥

官豫布拜褥於壇上拜次。贊引對引官恭導。

皇帝入壇西門左門升西階就拜位前東嚮立。司拜牌官安拜牌退。前引內大臣執鑪鐙官侍衛均於階下止立。後扈大臣隨侍。鴻臚寺官引陪祀王公百官均就拜位序立。典儀贊樂舞生登歌。執事官各共乃職。武舞執干戚進。贊引奏就位。皇帝就位立。典儀贊迎。

神。司香奉香進至

神位前祇俟。司樂贊舉迎。

神樂奏寅犧之章。樂作。司拜牌官起拜牌。贊引奏就

上香位。及對引官恭導

皇帝詣香案前。對引官至香案前止立。司香跪。贊引奏跪。

皇帝跪。奏上香。司香進香。

皇帝上炷香。次三上辦香。興。贊引奏復位。及對引官恭導

皇帝復位。司拜牌官安拜牌。贊引奏跪拜興。

皇帝行三跪九拜禮。傳贊贊跪叩興。王公百官均隨

行禮。興。樂止。典儀贊奠玉帛。司樂贊舉奠玉帛

樂。奏朝曦之章。樂作。司玉帛奉篚詣

神位前。跪獻於案。三叩興退。樂止。典儀贊行初獻禮。司樂贊舉初獻樂。奏清曦之章。樂作。司樂舉節。舞干戚之舞。有司揭尊罍。勺挹酒實爵。司爵奉爵詣。

神位前跪奠於墊中。退。司祝至祝案前跪。三叩。奉祝版跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。讀畢興。奉祝版跪安。

神位前篚內。三叩興退。樂作。贊引奏拜興。

皇帝率羣臣行三拜禮。興。樂止。武功之舞退。文舞執

羽籥進。典儀贊行。亞獻禮。司樂贊舉。亞獻樂。奏
咸。曦之章。樂作。舞羽籥之舞。司爵奉爵。詣

神位前跪。獻爵於左。儀如初獻。獻畢。樂止。典儀贊行
終獻禮。司樂贊舉。終獻樂。奏純。曦之章。樂作。司
爵奉爵。詣

神位前跪。獻爵於右。如亞獻儀。獻畢。樂止。文德之舞
退。太常寺贊禮郎一人。詣祝案前立。贊答福胙。
光祿寺卿二人。就南案奉福胙。至

神位前拱舉。退。祇立於

皇帝拜位之右。侍衛二人。進立於右。贊引奏跪。

皇帝跪。左右官皆跪。奏飲福酒。右官進福酒。

皇帝受爵拱舉。授左官。次受胙。如飲福之儀。奏拜興。
皇帝三拜興。又奏跪拜興。

皇帝復行二跪六拜禮。王公百官均隨行禮。典儀贊
徹饌。司樂贊舉徹饌樂。奏延曦之章。樂作。司玉

帛詣

神位前跪叩。奉赤壁以退。樂止。典儀贊送

神。司樂贊舉送

神樂。奏歸曦之章。樂作。贊引奏跪拜興。

皇帝率羣臣行三跪九拜禮。興。樂暫止。典儀贊奉祝

帛饌送燎。司祝司帛詣

神位前咸跪。三叩。司祝奉祝。司帛奉篚。興。司香跪奉香。司爵跪奉饌。興。以次恭送燎所。

皇帝轉立拜位旁。北嚮。司拜褥官徹拜褥。俟祝帛過。仍布拜褥。

皇帝復位立。樂作。陪祀王公百官退班。贊引奏禮成。恭導。

皇帝出壇左門入。

具服殿更衣。樂止。禮部尚書率太常寺卿屬恭請神位復御。儀如迎。

神贊引恭導

皇帝出具服殿。至壇北門外乘禮輿。

法駕鹵簿前導。導迎樂作。奏祐平之章。

皇帝回鑾。王公從。各官以次退。不陪祀。王公百官。仍

朝服祗候。

駕至跪迎。

午門鳴鐘。樂止。王公隨

駕入。至內金水橋。恭候。

皇帝還宮。退。太常寺官徹

乾清門齋戒牌。銅人送寺。○順治八年定。

朝日壇出

東華門。向於日出前八刻寅正初刻請

駕。嗣後改於日出前六刻寅正二刻請

駕。○三十九年。

高宗純皇帝親詣

日壇。御祭服。乘禮轎出宮。至景升街。太常寺堂官二

員。在前引十大臣前。恭導由北天門中門至西

櫺星門外甬道北。鋪設梭薦處降輿。贊引對引

官恭導至盥手處盥手畢。入壇西門左門。詣幄

次拜褥前行禮。○嘉慶二十一年。

仁宗睿皇帝親祭

日壇。由北天門中門至

神庫前甬道中間鋪設梭薦處降輿。贊引對引官
恭導至西櫺星門外盥手處盥手畢。入櫺星左
門。升。

壇詣幄次行禮。○道光四年

諭。本年係親詣

朝日壇行禮之年。上年朕已親詣行禮。今年明年進
本時。著專請遣官。○十一年

諭。嗣後凡致祭